

## **Dopuna izvještaja o stanju na području Unsko-sanskog kantona do 16:30 sati.**

Izvještaj se odnosi na događaje u vremenskom periodu od 04.10.2024. godine od 12:00 sati do 04.10.2024. godine do 16:30 sati.

### **POPLAVE (LP-2)**

Vodostaji rijeka na području Bihaća, Bosanske Krupe, Sanskog Mosta i Ključa su u porastu. Kantonalni operativni centar je telefonskim putem zaprimio informaciju od nadležnih za magistralne ceste da je došlo do odrona na magistralnim putevima Srbaljani-Bosanska Krupa, Bosanski Petrovac-Drvar, te na magistralnom putu M5 u naseljima Pritoka prema Ripču voda je ugrožavala stambene objekte i putnu komunikaciju, ali su uz pomoć izvođača radova za magistralne ceste Federacije ovi problemi otklonjeni.

**Grad Bihać.** Prema podacima Meteo stanice Bihać od jutros od 08,00 sati do 12,00 sati u gradu Bihaću palo je kiše 3 l/m<sup>2</sup>. Trenutno kiša ne pada. Vodostaji i dalje imaju tendenciju rasta u gornjem toku rijeke Une, dok u gradu Bihaću vodostaj iznosi 110 cm i ima blagu tendenciju rasta 1-2 cm po satu.

Uposlenici Službe za civilnu zaštitu i dalje su na terenu, te s raspoloživom mehanizacijom i ljudstvom nastavljaju preventivnim mjerama čišćenja kanala za odvodnju oborinskih voda, u cilju sprječavanja izlivanja istih.

Po pozivu predsjednika MZ Pritoka radi informacije da ekipa vodovoda na terenu nije uspjela riješiti problem začepljenja, šef Službe za civilnu zaštitu Mirsad Šehić kontaktirao je nadležne za magistralne puteve da putem svojih nadležnih službi pokušaju riješiti problem.

Predsjednik MZ Kulen Vakuf je u Službu za civilnu zaštitu putem telefona dostavio informaciju, da u vikend naselju Luke polako se izliva vodostaj Une, ali da najveći problem prave nanosi drveća na mostu u centru. Angažovana je radna mašina i upućena na lice mjesta da otkloni problem. Pošto voda nije za piće potražuje se flaširana voda za mještane.

Problem u MZ Veliki Lug je otklonjen i ta aktivnost je završena, dok u MZ Klokot-Papari nije tolika potreba za rješavanjem dok se ne riješi nastali problem u MZ Kulen Vakuf. Za MZ Kulen Vakuf je planirano da im se kao pomoć za odbranu od poplava dostavi oko 400 vreća sa pijeskom.

**Općina Sasnki Most.** Vodostaj rijeke Sane iznosi 290 cm (početak obavještavanja je 310 cm). S obzirom da vodostaj ima tendenciju rasta, ekipe civilne zaštite Sanki Most prate situaciju na terenu. Trenutno padavina nema.

**Općina Ključ.** U Ključu rijeka Sanica se izlila i poplavila veći dio poljoprivrednog zemljišta, trenutno nema ugroženih objekata. Vodostaj rijeke Sanice blago opada, ali u Operativnom centru civilne zaštite Ključ iskazali su zabrinutost ako bi došlo do novih padavina u toku noći, te će tokom noći pratiti stanje.

U ostalim općinama i gradovima Kantona stanje je trenutno stabilno.